

Schnitzelbank Presse=Ball 1942.

Miesst Basel - 's wär e Digge -
Ziri e Harschthorn schigge,
Miesst me als Horn e Stigg vom Birsigtunnel näh,
Und 's Mundstigg hindedure,
Das miesst fir d'Zircherschnure
denn die 3 Drei=Männerbrunne=Schissle gä !

Dass's fir das Trämli=Hysli
Bau=Plän git, find y grysli -
D'rüber frait sich allerheegschtens d'Glosettfrau -
Vor me dä Bau afoot,
Los, Ebi, nimm dä Root ;
Fang nit a Brennerle, sunscht putzt's Di au !

's Hose=Verbott vo Gämf
Isch au e Giggelsämf :
Lehd doch de Gämferdame ihri Hose=n=a !
Mir het e Gmiesfrau gsait :
"D'Genevoise tien mir laid -
Isch han fir sone Gsetz nie besoin gha !"

Die Politik vom HÄrze,
Haisst's, kenn me guet verschmÄrze -
Doch au bym Arbetsrabbegsetz gäsch 's HÄrz im Schild !
Die hÄnn Idee fail

Uus em HÄrz sym Geegedail -
Das Geegedail, das zaig ych nit im Bild !

Die Neudegg, ^{Handlung} und
Was sunscht vo drausse künnt
Macht im Theaterpublikum bald 's Hirni waich !
's fallt aim als Wunschtraum y :
WÄr doch dr Grieg verby,
Denn kennt dä ganzi BÜschel "heim ins Reich" !

Die Bärner Trämlikare
Am Suntig nimme fahre -
Was doch die Bärner hitt efangs fir Sorge händ !
Ych sag mit lyser Stimm :
Das isch nit halb so schlimm -
By uns, do fahre si au nur, wenn si wänd !

Vom Radio "durch die Bank"
Sind alli SÄnder grangg -
DÄ Krampf vom Jubileeumsjohr isch d'schuld, y wett !
650 Johr - ?
Y gläb's nit - 's isch nit woahr,
Will das d'ZÄnsur-jo nonig gstriche het !

Dass d'Wahl vom Bundesroot
Dur 's Volgg dr Bach ab goht,
Das isch kai FÄhler, denn mit Tschuudere dÄnggt me dra :
Der Duttli wÄr esoco
Ganz sicher yneko -
Au dr Sabrenno hätt no Chance gha !